



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De eleuatione & directione cordis ad Deum. III

[urn:nbn:de:hbz:466:1-45790](#)

Forte ultima dies ista: forte nouissima hora: forte cras te nō inueniet. Custodi propositum, tempus negligere noli, nō redit hora transacta. Certa bonum certamen. Ora pro gratia, & dabit tibi de cælo victoria sancta. Stude minora vincere, ne ad deteriora labaris, ignavia prævalente. Semper lex Dei in corde tuo vescetur, gratiarum actio & vox laudis ab ore tuo non tepefcat.

2. Omne tempus cum Deo non expensum, plange velut amissum. Caeo otiosos texere sermones, & inutiles circuitus devia per ædes. Stet in ostio cellæ pro signo notabile breue: quod e premoneat exequem, & redarguat diu tardantem. Periculum tuum, inter homines multos. Orto iam die, benedic cretorem cœli & terræ, qui tibi adhuc spatum bene viuendi concessit, & solem suum pro varijs vñibus super te fecit oriri. Christus viuet tibi sit, & cuncta opera tua ad Christi dirige laudē. Ipse spes tua tota & p̄mium æternale, quod expectas: gratiam autem humam non queras, nec affectes.

3. Si nō vis decipi, noli laudibus stultis delectari. Nouit Deus cor tuum, quam impurum sit & vanum. Ne credas adulanti: sed potius increpantem ausculta, qui bene consulit, dum tua corripit errata. Habeas semper ad manum orationis vñsum, contra omni aduersantia inuincibile scutum.

C A P V T III.

De elevatione & directione cordis ad Deum.

I. **A**nte opus externum, prius eleua cor ad Deum. Quicquid boni feceris aut dixeris, memor videlicet, quod sine eo nihil boni poteris facere aut dicere: & si quid feceris aut dixeris non magnipendas, sed inutilem te seruū veraciter reputabis. Offendit enim oculos diuinę maiestatis, etiam leuis elatio cordis. Utinā saltem vel vñam diem vel medium horam cum Deo integrè expendas. Heu nimis instabilis es & impurgatus, etiam ubi deuotior esse deberes.

2. Opere finito, aut horis p̄folutis, gratias age Deo de benedictis: & de negligentijs intercursis, veniam flebiliter pete. Magna ablutio est delictorum, humili venia deprecatio corā Deo & sanctis Angelis eius. Ad singulas horas dic salutationem Angelicam, aut quod facile te recolligat cum Deo, & citius inflammet. Qui non colligit mecum, (inquit Iesus) dispergit: & qui non est mecum intus collectus, contra me est, vagando in exteris. His enim prior est ad malum, infirmiorque ad resistendum, quia intima sua reliquit & Deum.

3. Nomen Iesu & Mariæ crebro in ore, semper in corde sit pro solario

Matt. 21.



solatio primo. In extremis fenties, quantum profuerit tibi amor Iesu internus. Sanctorum quoque nomina, cum reverentia in uoca & honora. Mira deuotorum experimenta, fidem præbent verbis ostensis: Nec pigeat dicere aliqua suffragia, cum festum agitur in ecclesia sancta. Homo tristis & grauatus, ad amicos accedit sibi magis fideles. Et tu ergo ad Dei Sanctos humiliter accede, & cum bona fiducia necessitatem tuā precādo reuela. Licet enim modò in magna sint gloria, fuerunt tamen aliquando in miseria nostra. Norunt ergo miseris charitate pleni plenius misereri. Siue intus sis, siue foras trássierit anima tua in manibus tuis sit semper. Deus autem semper in corde tuo, siue res sint tristes, quoniam iuxta illud Psalmista: *Ad Dominum, cùm tribularer, clamaui, & exaudiuit me:* Dominus nobiscum est in tribulationibus. Siue sint latè: quia ipse est qui lètificat iuuētutem nostram: ipse est, in quo sincere gaudendum, iuxta illud: *Letamini in Domino, & exultate iusti.* Non enim est vera aliunde exultatio. Vnde beata virgo: *Et exultauit spiritus meus in Deo salutari meo.* Vnde & Psalmista: *Redde mihi latitudinem salutaris tui, & spiritu principali confirma me.* Memor ergo sis, si gaudere vis, ut in Domino gaudeas. Nec propositi tui hodierni obliuiscaris, quod (heu) nimis citò per incuriam perit. Oculi tui super vias tuas, quia ubique sunt insidiæ hostis maligni, ad capiendum animas vagas.

C A P V T IV.

De custodia cellæ, & sensuum exteriorum.

7. **C**ustodi diligenter cellam tuam, & custodiet te. Tutor locus non est seruo Dei in hoc mūdo, quām latèrē in secreto: vbi Patrem orēt libera mente, ostio cubiculi clauso. Periculus semper exitus cellæ: mansio eius quies deuotissimæ vitæ. Qui assuefecit cellam suam incolere, citò pacem cordis hauriet, & turbabitur à periculis maximis & multis. Solitudo deuotionis est mater, turba verò conturbat. Christus, qui non potuit impediri in turba, declinavit tamen à turba. Vita solitaria Deo & Angelis grata, pacis semper amica. Qui potest capere capiat, solitarius regnum Dei in silētio habet. Finis religiosi est, omnibus terrenis abdicatis, Deo vacare in puritate cordis, & custodia oris. Fortis, qui contemnit sæculum: fortior, qui vincit seipsum, abnegando omne proprium, propter Christum sponte pauper effectus. Si nō vis distrahi & lèdi, noli alienis rebus implicari. Quod tibi nō est commissum, raceat super hoc os tuum. Si videris geri non recta, ne temere iudices tamen facta tibi ignota. Bene delibera antequam loquaris, ne capiaris in verbo.

2. Cauc